



Broj: 02-05-2125/19-AP-11
Datum: 17.12.2019. godine

Na osnovu člana 13. Poslovnika o radu Privrednog savjeta Općine Zavidovići broj: 02-05-1818-AP-12 od 30.06.2017. godine, na 7. sjednici Privrednog savjeta Općine Zavidovići, koja je održana 10.12.2019. godine u Velikoj sali zgrade Općine Zavidovići sa početkom u 10:40 sati, sastavljam

ZAPISNIK

Na sjednici Privrednog savjeta prisutni su: Općinski načelnik mr. sci. Hašim Mujanović, Džeraldina Miličević, Aldin Šušić, Sabahudin Horozović, Ramo Imamović, Enesa Bukvić, Nakib Vuković, Mrahorović Kemal, Ilić Slađan, Adnan Bajraktarević, Hasaković Mustafa i Remzo Sinanović.

Na sjednici privrednog savjeta nisu prisutni: Amir Omerašević, Denis Marušić i Ibrahim Mujanović.

Prisutni stručni saradnici Privrednog savjeta Općine Zavidovići: Almir Mustafić, Ibro Hadžić, Amira Šibonjić i Izet Bašić.

Odsutni stručni saradnici Privrednog savjeta Općine Zavidovići: Amira Tadić.

Ostali prisutni: Armin Bajrić.

Zapisnik će voditi Fatima Merdanović.

Konstatuje se da je na sjednici prisutno 12 članova Privrednog savjeta od ukupno 15 članova, od čega 3 člana iz ne javnog sektora.

Konstatuje se da je prisutan potreban broj članova Privrednog savjeta da bi se moglo punovažno raspravljati i odlučivati, kako je propisano članom 7. Poslovnika o radu Privrednog savjeta Općine Zavidovići, odnosno potrebno je prisustvo najmanje 8 članova.

Pomoćnik Općinskog načelnika Službe za upravu ekonomskih poslova i poduzetništva Džeraldina Miličević predlaže sljedeći dnevni red:

- 1) Nacrt Budžeta općine Zavidovići za 2020. godinu,
- 2) Analiza dodjele poticaja za razvoj poduzetništva u općini Zavidovići za 2019. godinu,
- 3) Analiza dodjele poticaja za razvoj poljoprivrede u općini Zavidovići za 2019. godinu,
- 4) Prijedlog Plana kapitalnih investicija općine Zavidovići za 2020. – 2024. godinu,
- 5) Prednacrt izmjena i dopuna Regulacionog plana „Luke“ Zavidovići,
- 6) Razno.

Dnevni red se stavlja na diskusiju i pozivaju se članovi Privrednog savjeta da predlože izmjenu ili dopunu predloženog dnevnog reda.

Dnevni red se usvaja bez izmjena i dopuna i prelazi se na rad po istom.

1. Nacrt Budžeta općine Zavidovići za 2020. godinu

Izjavitelj Džeraldina Miličević iznosi pojašnjenja i dodatne informacije po ovoj tački dnevnog reda. Upoznaje ih sa sredstvima i sa viših nivoa vlasti. Ona imaju tendenciju blagog porasta. Neće detaljno govoriti o prihodima i rashodima. Dio budžeta predviđen je za poticaje za zapošljavanje i samozapošljavanje. Sredstva su planirana u manjim iznosima i prijava je nažalost manje. Obrti i trgovačke radnje posluju gotovinom.

Nakon izlaganja izvjestioca Pomoćnik Općinskog načelnika Službe za upravu ekonomskih poslova i poduzetništva Džeraldina Miličević otvara diskusiju po ovoj tački dnevnog reda.

U diskusiju su se uključili: Aldin Šušić, Almir Mustafić, Nakib Vuković, Izet Bašić, Ibro Hadžić, Džeraldina Miličević, Kemal Mrahorović, Slađan Ilić, Adnan Bajraktarević, Remzo Sinanović, Mustafa Hasaković i Sabahudin Horozović.

- Aldin Šušić: Transfer za razvoj poljoprivrede je mali, barem ostaviti na prošlogodišnjem nivou.
- Almir Mustafić: Možete iznijeti mišljenje i sugestije. Mišljenje će se uzeti u obzir svakako.
- Nakib Vuković: Ova sjednica je primjer da se nešto može promijeniti. Navodi primjer Maglaja, gdje se zna tačan broj proizvođača malina. Smatra da nije uredu da se mali poticaji ne potroše. Možda da se pokuša preko MZ, savjet organu ako nešto ne ide da se mora mijenjati metodologija. Kanalizacija je odbijena zato što nema projekta, ispade da je služba samo neki sudija.
- Izet Bašić: Pomenuta je poljoprivreda i malina. Ljudi imaju dovoljno informacija, svi su registrovani, redovno posjećuju Ibrinu kancelariju. U pitanju su sredstva, i iznos je na kraju bio 160 000 KM, poslije nije bilo moguće po 10 po kg već po 7.
- Ibro Hadžić: Kada su općinski poticaji u pitanju, sada je na Federalnom nivou 870 miliona. Naša Općina bi trebala povući barem milion, mi zbog sastava ne donesemo više od 200 000 KM. Uvijek se to tretira na kantonalnom nivou – radi se o nečemu drugom. Ljudi nisu zainteresovani za proizvodnju. Naš problem je strategija hoće li se neko baviti poljoprivredom.
- Džeraldina Miličević: Suština problema je da se vidi zašto manje prijava. Nakon ispitivanja rezultata u pitanju su uslovi, iz razloga što se traže računi i izmireni parafiskalni nameti. To su dva uslova koji se ne mogu ukidati.
- Kemal Mrahorović: Poticati treba ali se ne treba pravdati. Treba donijeti fiskalni račun i sve uredu sa poticajima.
- Džeraldina Miličević: To je mjera za uvođenje u legalno, i upoznati ih sa puno više benefita kada ispunjavate taj minimum uslova.
- Kemal Mrahorović: Nažalost sve je manje aplikacija, treba smanjiti broj a povećati poticaj.
- Džeraldina Miličević: Mi smo se opredjelili za veći broj poticaja za odabir onih koji su najzastupljeniji.
- Kemal Mrahorović: Pomoć nije 150 KM. Smanjiti broj, kada to vide aplikanti i oni će težiti boljem razvoju. Vidjet će se narednih godina rezultat.

- Slađan Ilić: Možda treba to ponoviti dva puta godišnje, ne mora biti sve finansirano. Informacije su se ove godine poboljšale na web stranici. Treba ulagati u turizam, od kugla do Maoče. Ovaj transfer ne treba smanjivati ali ga treba trošiti.
- Adnan Bajraktarević: Turizam strateška grana – međutim nije ni grančica. Tajan, kugle otvori se restoran treba zadržati i nastaviti širiti. Treba stvoriti predušlove za bliže gradove. Treba napraviti neki motel, gosti nemaju sadržaja – treba angažmana – omogućavanje privrednicima. Počet od turističke signalizacije. Ljeti je sve u Kamenici popunjeno, trebamo to koristiti. Moj prijedlog je da stvorimo Turistički savez – privreda iza svega toga.
- Almir Mustafić: Sada je malo drugačiji koncept.
- Kemal Mrahorović: Pitanje budžeta, šta se vidi ovdje od turizma. Neće niko više razvijati firme. Transfer koji će dati mogućnost npr.: za Tajan.
- Adnan Bajraktarević: Tražili ko će odštampano za Tajan – 800 KM bilo u pitanju.
- Slađan Ilić: Treba malo pogurati razvoj kugla. Radi se uglavnom na crno.
- Kemal Mrahorović: Da se odredi transfer samo za Tajan.
- Džeraldina Miličević: Sugestija – da se inicijativa uputi OV. Mi bismo uspostavili transfer za nešto što je tuđe. Općina nema nikakvo pravo bez dozvole upravitelja.
- Adnan Bajraktarević: Što je u parku, mi ništa ne gradimo.
- Remzo Sinanović: Treba formirati javno preduzeće, da se neko time bavi profesionalno. Agencija ne bi uspjela, od nje nemamo ništa.
- Mustafa Hasaković: Bio na sajmu turizma u Sarajevu, skoro svaka Općina ima turističku zajednicu. Ljudi su povezali sve. Predušlov svega toga je Udruženje da li je ono registrovano ili ne. Dosta općina ima regulisan turizam. Treba naći modus odskočne daske. Zna šta je fiskalni račun. Ne može se mlađim ljudima reći šta je fiskalni račun, tako da misli da može bolje, moramo formirati turističku zajednicu na nivou Općine. Dobio poticaja 2 000 KM, uložio 12 000 KM, zašto je mjera 2 000 KM.
- Kemal Mrahorović: Prihvata da treba fiskalizacija. I pijaca je fiskalizovana. Ledinu ne mogu fiskalizovati.
- Mustafa Hasaković: Na terenu se treba vidjeti šta je Općina uradila. Ljudi ne znaju šta je ulagati sa Općinom. A treba ta koordinacija.
- Almir Mustafić: 2012. godine Općina je na Tajanu izgradila mnogo toga.
- Slađan Ilić: Info point je poslije napravljen, vizija je bila kada dođeš u Kamenicu da si došao negdje da imaš sadržaja, da djeca vide sadržaje.
- Adnan Bajraktarević: Sve je počelo sa Izetom. Nacrtali igralište, terene sve krenulo od idejnog projekta. Imali viziju i stavili na papir. U Kamenici mogu raditi 3 – 4 objekta.
- Sabahudin Horozović: Ukratko se bazirao na transfer za privredu. Predlagao da se uvede mjera START UP, transfer za mala preduzeća i da se za privredu za narednu 2020. godinu uveća poticaj. Imamo i osobe koje ne iskoriste javni poziv. Sve osobe ne mogu iskoristiti te poticaje. Ukoliko bi se povećao općinski budžet automatski prebaciti da bude otvoreno dok ne utroše sredstva u budžetu.

Zaključak:

- Povećati sredstva u Budžetu za 2020. godinu predviđene za podsticaj za razvoj poljoprivrede i razvoj privrede,
- Povećati visinu pojedinačnih dodijeljenih podsticaja prilikom realizacije transfera za podsticaj,
- Ponavljanje poziva za podsticaje više puta tokom godine,
- Visina sredstava koja se izdvajaju za razvoj turizma, ne ukazuje na to da je to jedno od strateških opredjeljenja razvoja općine, te bi sredstva trebalo uvećati,
- Intenzivirati aktivnosti na izradi prostorno-planske dokumentacije kao prvog predušlova za razvoj turizma,

- U narednom periodu zakazati Sjednicu privrednog savjeta čija će tema biti razvoj turizma,
- Uspostavljanje novog transfera čija bi namjena bila razvoj Parka prirode Tajan,
- Da se u narednom periodu izradi strategija razvoja turizma,
- Da se uveća transfer za privredu i da se uvede nova mjera,
- Da se uvede podsticaj za START UP preduzeća.

Sve tačke zaključka usvojene jednoglasno.

2. Analiza dodjele poticaja za razvoj poduzetništva u općini Zavidovići za 2019. godinu i
3. Analiza dodjele poticaja za razvoj poljoprivrede u općini Zavidovići za 2019. godinu

Izvjestilac Džeraldina Miličević iznosi pojašnjenja i dodatne informacije po ovim tačkama dnevnog reda.

Nakon izlaganja izvjestioca Pomoćnik Općinskog načelnika Službe za upravu ekonomskih poslova i poduzetništva Džeraldina Miličević otvara diskusiju po ovoj tački dnevnog reda.

U diskusiju su se uključili: Mustafa Hasaković i Almir Mustafić.

- Mustafa Hasaković: Mjera da bude START UP. Uvesti posjetu sajmovima.
- Almir Mustafić: Postoji BIG MAN organizacija – povoljno.

Zaključak:

- Uvesti mjere za poticaje START UP preduzeća,
- Sufinansiranje učešća na sajmovima, domaćim i međunarodnim.

Sve tačke zaključka usvojene jednoglasno.

4. Prijedlog Plana kapitalnih investicija općine Zavidovići za 2020. – 2024. godinu

Izvjestilac Džeraldina Miličević iznosi pojašnjenja i dodatne informacije po ovoj tački dnevnog reda. OV smatra da se trebaju izmijeniti kriteriji. To se i uradilo. Projekt treba da ima građevinsku dozvolu, do sada su se mogli prijavljivati i projekti koji nemaju građevinsku dozvolu. Na prošloj sjednici je OV dobilo PKI – i vratilo ga na doradu.

Nakon izlaganja Pomoćnik Općinskog načelnika Službe za upravu ekonomskih poslova i poduzetništva Džeraldina Miličević otvara diskusiju po ovoj tački dnevnog reda.

U diskusiju su se uključili: Almir Mustafić, Nakib Vuković i Kemal Mrahorović.

- Almir Mustafić: Neki projekti nisu planirani u PKI, npr. kanalizacija. Ovaj plan se svake godine ažurira. Projekti koji su značajni za cijelu Općinu. Projekti koji su predloženi rangirani su prema kriteriju. Odziv je slab i kada se MZ trebaju prijavljivati.
- Nakib Vuković: Ovdje vidimo samo fizički zbir, ne i realizaciju. Sve korektno, stručno urađeno, ali fali duša.
- Almir Mustafić: Mi planiramo izradu projektne dokumentacije, to će biti jedan od prvih kriterija za izradu projekta.

- Kemal Mrahorović: Čestitao bih Načelniku na ovom PKI. Do kada će kapitalna ulaganja biti ofarbati ogradu i put? Zašto ne uraditi kružni tok. Uraditi jednu od šest tačaka kapitalnih ulaganja i to je to.
- Almir Mustafić: Kapitalna ulaganja su definisana budžetom i planom. Imamo i generacijske projekte.

Zaključak:

- Privredni savjet jednoglasno usvaja Plan kapitalnih ulaganja u predloženom tekstu.

Zaključak usvojen jednoglasno.

5. Prednacrt izmjena i dopuna Regulacionog plana „Luke“ Zavidovići

Izvjestilac Remzo Sinanović iznosi pojašnjenja i dodatne informacije po ovoj tački dnevnog reda. Prva faza, raspravlja se samo na nivou službe. Imali smo inicijative kojima se trebalo nešto izmijeniti, a mi smo opet imali svoje prioritete.

Nakon izlaganja Pomoćnik Općinskog načelnika Službe za upravu ekonomskih poslova i poduzetništva Džeraldina Miličević otvara diskusiju po ovoj tački dnevnog reda.

U diskusiju su se uključili: Kemal Mrahorović, Remzo Sinanović i Armin Bajrić i Općinski načelnik Hašim Mujanović.

- Kemal Mrahorović: Identifikovati lokacije. Ovaj kružni tok je neophodan, pogotovo u ljetnom periodu. Ta je investicija za sada propala. Problem je vlasništvo. Dolje je kolaps zbog parkinga.
- Armin Bajrić: Kako iz kružnog toka ući u parking?
- Remzo Sinanović: Svima je u interesu napraviti kružni tok.
- Kemal Mrahorović: Sve je jasno.
- Općinski načelnik Hašim Mujanović: Regulacioni plan, problem je imovinsko-pravne prirode jer je vlasnik tražio veliku naknadu. Sud je jedino legitiman za utvrđivanje vrijednosti. Problem slabe gradnje, uprave ne mogu graditi bez riješenih imovinsko-pravnih odnosa. Ono što sada imamo nije dobro. Radi se dokumentacija za izmještanje puta. Nastavljaju se sva pitanja u razvoju puteva i prema razvoju turizma. Pokušat ćemo naći najbolje rješenje. Nadamo se da će OV usvojiti budžet i da nećemo kasniti sa realizacijom projekata.

Zaključak:

- Privredni savjet podržava Regulacioni plan.

Zaključak usvojen jednoglasno.

6. Razno: Cjenovnik komunalnih usluga

Općinski načelnik Hašim Mujanović traži stav u vezi Cjenovnika komunalnih usluga, da li je on po mjeri privrednika ili ne...

U diskusiju su se uključili: Slađan Ilić, Adnan Bajraktarević, Sabahudin Horozović, Aldin Šušić, Enesa Bukvić, Ramo Imamović, Almir Mustafić, Džeraldina Miličević, Remzo Sinanović, Nakib Vuković, Mustafa Hasaković, Kemal Mrahorović i Općinski načelnik.

- Slađan Ilić: Aposolutno neodrživo obračunavanje po kvadratu.
- Adnan Bajraktarević: Zašto JKP bježi od razdvajanja otpada nije održivo vozit sve na Mošćanicu.
- Općinski načelnik Hašim Mujanović: Ja se ne slažem i nisam popustio na cijeni. Općinsko vijeće je donijelo plan. Općina Zavidovići je platila i sve potrebno pribavila za zatvaranje deponije „Ekonomija“. Mi smo zabranili odvoz na deponiju. Sad je situacija da cijela Općina bude taoc zbog odvoza kompletnog otpada na Mošćanicu. Može se napraviti sortirnica. Treba vijeće donijeti Odluku i možemo odustati od toga. Treba naći način za selektovanje otpada, i da se vozi ono što se mora voziti. Postoji i politička kalkulacija zato što neće biti izabrani na izborima. Privredni sektor treba ostaviti na istoj cijeni i tražiti balanse.
- Slađan Ilić: Ugostiteljski objekat plaća 600,00 KM mjesečno.
- Sabahudin Horozović: Svi znamo za stav građana. To je najvrednije.
- Aldin Šušić: RAZ plaća paušalno.
- Enesa Bukvić: Sve plaćamo pa ćemo i to.
- Ramo Imamović: Treba se napraviti kalkulacija.
- Almir Mustafić: Da se ne diskriminira to je rješenje.
- Džeraldina Miličević: Prijedlog da se obezbijede adekvatne kante i da se prema tome naplaćuje. 100 m² različite djelatnosti ne obuhvata isto otpada.
- Ramo Imamović: Ko određuje cijenu, šta je suština? Mi plaćamo nešto što je neopravdano. Ne plaća se pružena usluga.
- Općinski načelnik Hašim Mujanović: Iz problema dođe rješenjem. Mi trebamo napraviti sistemsko rješenje. Na jednoj strani imamo one koji imaju otpad a ne plaćaju, dok imamo i one koji nemaju otpad a plaćaju ga. Treba drugačiji pristup prema Cjenovniku. Treba nam mehanizacija. Mi moramo napraviti drugu Odluku.
- Remzo Sinanović: Cjenovnik je predložen 2017. godine. Vijeće izbjegava da donese Cjenovnik. Što se tiče kvadrature to nije uredu. Cjenovnik je predložen jer se dalje nema kud, Vijeće neće odgovornost. Oni idu sa ciljem da se povećaju cijene, pa da plitčari kažu da su smanjili cijene.
- Nakib Vuković: U kontejnerima se nalazi dosta šljake i granja. Navodi primjer gdje se kontejner zapalio od šljake.
- Mustafa Hasaković: Nalazimo rješenje za dobrobit svega, ali Komunalno preduzeće nema prijedloga, da se pojednostavi otpad.
- Kemal Mrahorović: Svi brane svoje, a ja moram tuđe. Pojedinci plaćaju nerealno. Komunalno preduzeće posluje u gubitku i rješenje im je povećati cijenu. Treba napraviti kalkulaciju.
- Ramo Imamović: Stvari moramo gledati sistemski. Imamo li mi sistemsko rješenje, je li Mošćanica trajno rješenje?
- Općinski načelnik Hašim Mujanović: Nama je problem neselektovanje otpada. Mi trebamo napraviti sortirnicu. Skup je odvoz na Mošćanicu. Tri kamiona voze otpad. Ide se na kupovinu kamiona da bi se napravile uštede.
- Slađan Ilić: Na našoj deponiji svi su doktorirali, ozbiljno se pristupilo tome.
- Remzo Sinanović: Treba naći rješenje.
- Remzo Sinanović: Mi ne možemo koristiti našu deponiju.
- Adnan Bajraktarević: Moramo imati sankcije.
- Općinski načelnik Hašim Mujanović: Očigledno je da imamo o čemu razgovarati, otvoreni smo za sve vaše sugestije, inicirajte – probleme, prepreke, dolazite iz različitih sfera i samo tako možete biti zadovoljni.

Zaključak:

- Cjenovnik JKP „Radnik“ ne održiv je i ne prihvatljiv način odvoza komunalnog otpada po kvadratnom metru za privredne subjekte, nego po količini odvezenog otpada odnosno pruženoj usluzi.

2 protiv, ostali za predloženi zaključak.

- Što prije sugerisati Komunalnom preduzeću da što prije započne sa aktivnostima selektivnog prikupljanja otpada,

- Što prije započeti aktivnosti na izgradnji sortirnice i pretovarne stanice u skladu sa postojećom investicionom tehničkom dokumentacijom,

- Sugerisati Komunalnom preduzeću da sačine kalkulaciju cijena odvoza otpada koji će se zasnivati na količini proizvedenog i odvezenog otpada i pruženoj usluzi,

- Uključiti u sistematizaciju eko-policiju koja će obavezno imati ovlaštenje za izdavanje prekršajnih naloga na licu mjesta.

Ostale tačke zaključka su jednoglasno usvojene.

Sjednica Privrednog savjeta završena u 13.15 sati.

ZAPISNIK SAČINILA

Fatima Merdanović

ZAPISNIK OVJERAVA PREDSJEDNIK
PRIVREDNOG SAVJETA

mr. sci. Hašim Mujanović